

北京日報

第二百零八册

代表人朱淇

來稿

二月二十三日

新任上海道瑞觀察告學界文

(續)

且揆以情形。尤有相儔而馳者。夫使政體改革。則天下之民。宜知愛羣。而試問今日民德。爲何若。政體改革。則天下之民。宜謀公益。而試問今日民志之偏蔽。爲何若。政體改革。則天下之民。宜守秩序。而試問今日民俗之凌躐。爲何若。政體改革。則天下之民。貴嚴自治。而試問今日民習之懈弛。爲何若。循此莫濟。而日以政體改革爲期。非橫斷港絕潢。而期至於海乎。以今茲之學勢。而欲去危圖存。殆非改革政體莫濟。乃在上者。方將取懷而予。而在下者。不免背道而趨。事會之可惜。安有逾於此者。使者以爲改革政體之事。其鼓吹而祈禱。以漸茁其萌芽者。繫惟近年上海學界之力。惟是此時鼓吹之說。祈禱之用。已屬陳言。而目前所應急。實爲將來改革政體之豫備。使不加以前策。速爲提擲。務使天下之民。有以勉強奮發。躋進其人格。而剝削其頹風。則他日政體雖實。變更而良效亦豈易驟觀。不獨重負朝廷與民更始之意。而於我學界向之所鼓吹而祈禱者。亦虧其九仞一簣之功。殆非急起直追。莫由與正。此事固不易言。時機已不容緩。作其中權。樹之後盾。舍我上海學界奚屬也。此使者責望之一也。其一爲國民每濫用其合羣團體之競爭。近日我國人民漸知保障利權之急。對於外界侵侮。恆懷然執持正論。聯合公衆。以出於抗爭。其命義至爲可欽。而臨事亦不無稍補。於是聞其風者。乃益接踵繼起。以效其所爲。就國民心理進步徵之。不可謂非興機之兆也。惟使者以爲此等競爭之團體。必與實力可相俱。而後其競爭爲有效。而所求乎實力者。又非介卒可期。今日我國之實力如何。固無可諱。而欲有以養成其實力。抑不能徒恃此一閥之競爭。若僅恃此虛憍之氣。以爲干城。而實力不足以繼其後。則使人不我畏。固爲有百害而無一利。人即我畏。而無其實。而使人疑。是猶以負牀之子。謬膺烏獲之稱。禍患所乘。固可翹足而待。且其可慮尙存在此之外者。競爭之事。一遇挫折。則餒氣乘之。而此後即遇宜於競爭之時。必有不能復振者。此悞用競爭之患一矣。或理論不足。而遽起競爭。事過境遷。必至於自悔。而此後即有可以競爭之事。亦必有不克自信者。此悞用競爭之患一矣。或計畫未周。而倉皇競爭。迨至失敗。則爽然自失。而此後即有競爭。則必勝之機。亦必有不致奮起者。此悞用競爭之患一矣。此三者皆爲競爭之事所必有。而今日對外競爭之實事。亦有足爲顯證者。社會濫用競爭之害。遂爲中國現



象莫大之憂。以至可貴之光陰。浪擲之於無何有之地位。識者所為扼腕。而他人所為快心也。此皆風尚之刺激而成。莫或致之。我上海學界。固無所容其勦。然使世竟滔滔。積成巨海。則我上海學界。亦安能不起而謀其補救之方。此時我國對外之機。安之不能。爭之不可。所以自信之塗。惟在蓄其實力。力之未足。終非用其競爭之秋。來軫方遘。貴有以明其所向。竊願我上海學界。嗣今以往。鑒於氣之不可屢試。鋒之不可屢摧。淬剛為柔。善刀而藏。則天下之言競爭者。必將有以自省。稍折其節。以從事於我學界之後。緩其激昂。而終求必濟。鬱之者久。則發之者光。遏神駿之將奔。斷橫流於既溢。稍待其定。善審其機。舍我上海學界奚屬也。此又使者責望之一也。今日事勢紛紜。蕃變極矣。就學界論。責任安有窮期。而我上海學界。忝列風氣之先。一國之義務所歸。尤將更僕難數。而使者僅以如上兩端相勵。固曰。舉其尤要。抑亦使者私心所為危慮。實以茲為最殷而已。使者少非徇齊。長膺多故。僕僕從政。聞道未遑。以言勸學。愧此津途。惟念上海學界。有支配通國之功。而使者承乏茲邦。於學界又例有其一言之責。用為此惓惓之告。願我上海學界。勉之。迴黃轉綠之圖。其在鉅子。

### 譯電

英國歲增庫款○西歷三月十六號路透電云。英國常年進款。據戶部年終布告。約可敷餘九十萬磅。現倫敦泰晤士報謂。據現在情形推算。一千九百零六年及一千九百零七年。國庫可增餘款約一百七十五萬磅云。

英擬廢棄限制招工條約○同日又電云。英國殖民大臣(喊士洞)君在下議院演說。謂中國限制我國屬地招工之約。須要求中國政府作廢。則華工之前往南洋羣島及緬甸謀生者。必日見踴躍。緣此等地方。前約限制招工。也即遠而至於杜蘭斯哇(南非洲)向招華工。開墾荒地。中國雖已立約限制。此約今可視為廢紙。旅居之華工。我國領事仍有管轄之權云云。

摩洛哥問題將至決裂○同日又電云。各國代表人在阿爾支士拉士會議。摩洛哥問題相持不下。將至決裂。惟望由各國政府直接商議。或有轉機云。

英國議准者老養恤費○同日又電云。英國者老養恤費。已由下議院議准。戶部大臣亞士吉夫亦允照辦。惟須改良辦法。將支給之費略為節減云。

### 要緊新聞

提議殺害美人案○同日又電云。非獵寶殺害美國婦人及小孩一案。刻已在華盛頓上議院提議辦法。并詳列條款云。

力爭主權○香港對岸之九龍地方。原係廣東新安縣地。數年前借讓與英國。日前九龍居民上稟華官。轉請英國減輕地稅。經華官向英使提議。旋經英使照覆。畧言此事已奉英國外部藩部訓令。須向中國政府聲明。如九龍商民有不

甘服之事。須稟山港督轉達英國政府。方能認辦云。(按此可見外人之重視主權。有如此者。)

請禁演脫抵制○駐京美柔使近到外部。聲稱福州地方。仍有演說傳單。抵制工約之事。希飭該省官吏遵旨禁阻云。戴端尚未覲見德皇。○考查政治戴端兩大臣。于十三日行抵柏林。德人極為優待。已紀昨報。茲悉是時德皇正值出巡。故兩大臣尚未覲見。大約俟三五日德皇始能還宮云。

兵部將開兵學館○兵部擬於署內設兵學館。即令署內司員入館學習。并於練兵處選派數員往充教習。聞將於三月內開館云。

撥匯豐款以交賠款○戶部舊存英商匯豐銀行銀一千餘磅。係由英德借款溢存。現擬將此項撥交英國賠款。飭滬道在下月賠款內扣抵。免致往返周折云。

德提觀見○德國佩恩勒提督來京。聞已定於二十八日入西苑勤政殿。觀見云。

外部擬建筵賓館○聞外務部近擬建造洋樓洋廳一座。以為筵宴外賓之地。蓋緣去年日本小村大使到京時。無地款留。北洋袁督提議其事。故有是舉。現聞外部各憲擬在該部對門之寶源局。借地建造云。

賽會物品送交博物院○去歲赴比賽會存餘物品甚多。經札行總稅司設法運回。抑或拍賣。據該稅司稟復以拍賣與運回均不上算。不如送入博物院。以為紀念。現聞政府頗以此議為然。日間當電飭楊大臣逕送博物院。以示交誼。南昌教案二十四誌○南昌專電云。此次教案殺教士六人。戕害江令之神甫王安之。已被殺在六人之內。南昌教案二十五誌○南昌專電云。此次愚民誤會焚殺英國教堂教士。現已將人犯拿獲。惟尚未審實。英領事已屢次向該撫催索定期會議懲辦。



南昌教案二十六誌○東京消息言俄使曉科第昨對外部忠告謂政府須將此次南昌教案提交海牙萬國公會會議俄國選定極東總督○聖彼得堡消息云俄國(庫羅維奇)將軍現已有任極東總督之信、按該將軍曾任駐黑龍江總督庚子年後在東三省極力恢復展拓其勢力聲震一時現年六十二歲擬設五省高等師範○袁宮保擬設高等師範學堂議定由直隸山東山西河南陝西等五省招集學生一千名調日本早稻田大學校之卒業生李士偉任該堂總辦云

蕪旋鐵道允設○政府已允安徽省建築鐵道由蕪湖接至旌德云王秉恩不能脫身事外○日來兩廣督督接得廣西藩司張鳴岐來電畧謂日前路事官紳衝突一案固由陳守等爲罪魁而坐觀成敗之王道秉恩身爲商務之總竟忍坐視決裂不爲轉圜幾釀非常之變實屬有心貽誤陳守等固宜撤參該道亦不得置身無過應請一體酌辦以謝大局云云岑督得電大怒一面飭兩司吩咐王道速即卸差並將承辦各差一律改委云

香港華人歡迎黎紳國慶○初七日香港華人開茶會於杏花樓歡迎黎君季義凡表同情者皆得取券入場是日到者凡千人港中迪蒙廣學育英勵學致用五學堂之學生亦到樓上樓下皆爲充塞幾難插足下午兩點半鐘黎君到致掌之聲如雷貫耳少坐賓主相繼演說演畢舉茶繼坐暢叙而散臨行時五學堂生逐隊行軍式禮并唱歌以送時已四下鐘矣

### 本京新聞

鐵路大臣唐爲滬甯鐵路議租白多山事咨蘇撫文○爲咨會事案查滬甯鐵路議租濟野關白多山一案經前督辦大臣盛咨請貴撫部院札飭長洲縣蘇令會委議租在案前據該路總管理處沈道敦和王道勳稟稱據蘇令等稟稱該山戶等膠執成見呈遞公稟皆以墳墓太多爲詞不允議租等情職道查清關一帶別無可租之山數月以來因是遷延不免停工待料稟懇咨請貴撫部院轉飭蘇令再行諄切勸導等情據此查鐵路需用石料爲數甚鉅若必須取諸軌道界綫以內則綫內爲地無多未必即有石料從前蘆漢幹鐵路如北段之周口店南段之和尙橋皆係租山自採民間既多一生計路工亦運用不窮國家擔任鉅債興築鐵路凡間接之利益附近百姓無不均沾矧蘇紳素具熱心

因欲挽回利權屢言節省糜費租山採石亦爲節省費起見則該處紳民自當合力同心何至自相矛盾况此次議租石山除租錢外尚有撥充善舉之用又山頂山凹之墳皆准先遷墳而後開採是則造路者委曲愛民之心實已無微不至山戶等仍復固執殊所未解至謂地瘠藉端撓阻本大臣雖不忍故爲逆億亦不能不預爲提防相應咨請貴撫部院請煩查照札飭該蘇令會同購地委員再行傳齊該區董保等對切勸諭就原日指定山頂地段尅日議租母任再有推諉實所厚望須至咨者

黔撫清理通省插花地○貴州一省大半由苗疆歸流故其地界參差迥出乎尋常情理之外每每此縣之地插入彼州之中彼州之地插入此府之內片壤孤懸四周並不相屬附距治城輒至數百里俗名插花地雖無大害然于政治上實多阻碍前胡文忠公安順時曾痛言其弊原稿在本集中上年趙芝珊文宗交卸黔學時亦經條奏及此現在林贊虞中丞具摺奏請清理並將畫分改隸各情形詳細入告已奉旨交新任岑春煊認真辦理矣

陝西巡撫奏辦鐵路○陝撫曹中丞電奏陝西僻處關中非亟修鐵路未易取開通之效去年與豫省商由滄縣接築迄無成議查西安潼洛僅三百里並無山河阻隔需費尙不甚多惟陝省風氣未開勸集不易藩司樊增祥擬先修咸陽一段由官墊款興築以資觀感俟此段開車民知利用認股自必躍躍再行接續修築等因已奉旨交商部核議矣

准聘洋員辦理和平會事○近聞出使荷蘭大臣陸星使徵祥電達外部請派熟悉海牙和平會情形者酌保一二入隨同襄助若中國難得其人即聘洋員爲顧問官厚給薪水除辦理和平會事外概不干預他事等語現已經外部電覆以無可派之即酌量聘用外人惟聘定後必須具奏

擬收回漢河金礦○黑龍江將軍程德全電告商部云漢河金礦產金最鉅若能收回自辦實爲絕大利源擬於中俄約內提議收回自辦應請大部力爲主持

查飭開採翁牛特旗礦產○政府日前議商查飭蒙古翁牛特王即將本旗各山晶石五金礦產探勘明確自行籌款開採並將開採章程詳列表呈報商部勿再遲延以免外人窺伺

商部查蒙古茶葉○日前商部電致察哈爾庫倫等處大臣年來口外內蒙古各屬通商全用茶葉銷場甚鉅以漢口茶葉爲最請收捐茶葉之摺據聞此項茶葉俄人常以賤價收買即以此舉爲商部端緒多端竟有無此情誼則請查辦者復以爲礙



太原自築鐵路接至京張○山西官紳商議建築鐵路由太原府起取道宣化城與神池縣(甯武府屬)以期與京張鐵路相接今已議妥開募股份矣

講求無烟火藥○練兵處分咨江鄂兩省督憲署謂練兵以器械為先而軍械以無烟火藥為最關緊要上海湖北兩廠所造無烟火藥尚欠精良速率太小且時有發火等弊亟須力加整頓精益求精既可裨益軍儲又免購自外洋利權外溢目前暫宜雇用德國洋工師來華教授且切忌輕率從事致鮮成效應隨時電致出使該國大臣廣為搜訪擇其精於此藝熱心教育者延聘來華訂立合同先以一年為期倘有實效再行續訂薪資由少增多免致有所藉口

### 各省新聞

滇緬勘界紀事○(雲南)滇督丁巡帥因勘界委員石觀察與緬界英員因回國勘界暫停並繪圖附呈可否移入北京由外部與英使開議日前丁制軍電告外部不允以界線關係極重非親行測勘難有把握仍請飭石道俟英派員再為會同辦理

鄂督擬鑄一文錢○(湖北)鄂省近來銅元過多錢價大賤閭閻受害不淺茲聞督憲張香帥擬從三月起於銅幣局內兼鑄一文重之銅錢以廣利用

英德縣已認粵路萬股○(廣東)商辦粵路集股之踴躍已迭紀前報茲聞自黎紳奉 旨省釋後認股者仍如日前之擁擠日昨總商會接英德縣同胞函告謂該縣現已認得一萬股按英德係韶州屬縣係州縣中之瘠苦者而認股如是其踴躍可知

通飭豁免掌煩等刑○(江甯)江督周制軍以刑部咨行光緒三十一年三月議復前督劉原奏通行概免刑訊章程業已通行各屬遵照應將原奏及部議摘要刊刻簡明例本頒發各屬一體實行所有掌煩等刑嗣後亦應一併革除以示寬卹現已札行蘇州臬司及上海鎮江各巡道一體飭屬遵照辦理矣

豫省擬裁驛站○(河南)汴省為驛站衝要糜費甚巨而迅速有時不及郵政開陳中丞因目下籌款維艱擬將此項驛站裁撤所有公文一律交郵局遞發與司道商酌酌量裁撤驛站每年即添購馬匹二項盈餘已不下數萬金其他人工草料送往迎來等費節節殊屬不貲以此舉辦新政不為無補中丞深慰其議擬即奏請試辦云

予口膏捐將次開辦○(湖北)八省土膏捐柯大臣曾封奏宜昌土膏子口捐辦有成效請於各海關均由局派員會

同稅司辦理茲聞已奉 旨依議並由外務部令總稅司轉飭各關遵照其應給津貼由局酌撥

開辦造紙公司○(廣西)興安縣出產紙料前經派員會同地方官勘購地址修葺製紙公司紙廠一區現農工商礦局憲特札委知縣呂篤前測量學堂文教習戴哲文會同開辦興安製紙公司事務

華商集股行駛長江輪船○(湖北)有漢口大資本家劉君啟生擬欲招集華股自購輪船三艘專駛宜昌上海等埠以免利權外溢

准給義務商董獎札○(山東)濟南商會公所坐辦委員李司馬稟商務局憲轉詳楊撫以副董事姬鍾嶽等在商會辦事三年並未支領薪水懇請轉詳給予匾額獎札以償勞勩一案頃奉院批云如詳准給商會副董事原汝淮謝基遂芳容等三人五品獎札隨批印發至請給姬鍾嶽石丞緒等二人匾額即由該局繕就急公好義字樣分別飭領以昭激勵

開報去年罷市時華商損失○(上海)前道袁京兆已將去冬租界開關時商民損失財產及鎗斃無辜人命細數會同商憲前派之羅觀察忠堯詳查開摺稟詳江督請為據理索賠云云

承認路股之踴躍○(漢口)嶺南會館日前邀集武漢粵籍紳商籌認鐵路股銀到者甚眾即席簽認約計五十餘萬最多者為梁星海廉訪馮少竹太守章紫封鄧紀常兩商重又認三千股云

宿遷縣民並無仇教情事○(江蘇)周玉帥日前接上海英領電謂徐州府宿遷縣民亦擬仇教當即電詢該府縣現得覆電並無其事玉帥已照覆英領

薩軍門宴請各國領事○(上海)南北洋總統薩鎮冰軍門接奉江督周玉帥電飭以南昌教案暴動之後聞悉英法美等國均調兵輪到滬保護教堂因恐人民惶惶飭令會同新道憲瑞觀察與英法等國領事妥商不可開往軍門故於昨日設筵於公館請各國領事並道憲瑞觀察會商善策

### 各國新聞

推廣商輪之航路○(日本)東洋火輪公司向係日商淺野總一郎所經營近經再為推廣擬定籌款二千萬圓收買太平洋郵船公司所有之大商輪四隻並郵船公司係美商巴里滿之所經理與東洋火輪公司均同一航路兩相輔



本公司之航路以日本為第一航路。其定章如下：  
本公司之航路以日本為第一航路。其定章如下：

記在英華工被選舉事○(英國)此次英國選舉新政府諸員時有華人黃成記者竟為眾所舉得票約七百張亦奇聞也故黃君之被選舉實為三載初以工人役於德來亞歐各輪日久相識漸多遂不復操舟中業寄跡於倫敦之東海口凡華工道經其地者即呼黃為逆旅之人於是各船之需用華工者亦以黃為仰賴從此黃即以開水手為業其為人善結識外人樂與往還此次舉彼諸人大半為其平日朋類惜手黃於中西文字均覺隔膜即西語亦復有艱恐雖舉而未能中選然於下等社會之中頗具特色東海口為倫敦之一隅實工入薈萃之區華人近立水手而於彼者有五七家大率粵產其一為山東人已納有西婦育有子女此項華工多係時來時往故無定數倘有利物浦一處係英美交通之海口彼地華工較眾數約千名其中不盡操船業有業洗衣者若干家大概由美洲各屬遷此冬月間曾開一聚會不知所議何事此為在英華工現象故特錄之當亦關懷種族者所樂聞也  
德人開催促推廣海軍大會○(德國)德國前日憂時之士為推廣該國海軍起見組織一會號召天下聚集同志現赴該會挂籍者已有九十餘萬人之多頃已傳檄于其徒開催促大會當日該會總辦陀尹曼君首先登壇演述云凡欲確保世界之和平不可不依賴海軍之全力前我政府于籌辦本年度支估算之際雖立巨十餘年之計劃以行逐漸之推廣而吾人以爲如此布置未足以甘心安息也蓋泉布之奇絀庫儲之不盈一事實為我德國之所最慮者然欲庫儲之充實則在計貿易之旺盛欲計貿易之旺盛則在推廣海軍以令冠絕于世界況我海軍所有軍艦之中年廢損歸于無用者為數不貲想我德國國民每歲所儲之私款計有三十億馬克之譜故于推廣海軍造大海軍之希望決不須慮及辦款之告匱也次有天布立士君扣機申論曰假令德國不有偉大之海軍則我百萬精銳之陸兵究與無用之長物等耳又有弗阿穆君極口痛論德國若不推廣海軍將何以保護德商之在海外者以令其發展乎云云論終與眾員妥商訂定其決議案要云我會鑒于日俄交戰之教訓按照世界之情勢不唯冀贊我政府所辦本年次之推廣案耳更進一步定議每年建造戰鬥艦一隻以爲當物之急云云  
日派博覽會準備員○(日本)日本此次在東三省議設博覽會已定議令東京市紳(小管君)大阪市紳(西田君)七人為該會之準備員該二員不日將赴奉天云

### 調查

日本三十九年分歲入歲出總豫算表

(續)

釀造試驗費	共計三八九二九
文官試驗費	共計四〇三五
文官懲戒諸費	共計九三二
橫濱港維持費	
俸給及諸給	二二六〇
廳費	八一三
修繕費	五五九
死傷恤賜費	一五五
賠償及訴訟費	二
旅費	九六一
雜給及雜費	三〇六八
港灣維持費	一六三三三三
國資運用費	共計一七一二四一
諸拂戾及缺損補填金	共計一五二八四四〇
	共計二〇二九五五二

### 宮門抄

二月二十二日 商部 鑾儀衛 鑲黃旗值日無引 見 前廣西布政使張廷燦病痊請 安 吉和因伊子補進  
內大臣謝 恩 壽耆阿霖補進內大臣謝 恩 貴福錫嘏預備 召見 召見軍機 貴福 錫嘏



上諭

二月二十二日奉

上諭貴州威寧鎮總兵員缺着何秀楨補授欽此

批摺摘由

御前乾清門吏部兵部各奏月摺均奉 旨換出 光祿寺奏收發銀兩欵目事單一件奉 旨知道了 理藩院代奏多倫諾爾幹珠爾瓦諾們罕報效練兵經費銀兩請 旨事奉 旨留 又奏哲里木盟長齊莫特散帳勒呈報大凌河牧羣孳生馬匹事單一件奉 旨知道了 又彙奏喀爾喀四部落漢王及呼圖克圖等並無私用烏拉事奉 旨知道了 崇善奏購用軍火器具動用銀數 戶部知道 又上年分新舊錢糧已未完數目 戶部知道 又承襲世職 兵部議奏單併發 又會匪黃紹鵬等就地正法 刑部知道 又報銷善後財政各局費用 戶部知道 又惠安令張雲短交奏革 著照所請該部知道 又報解第五年第一期新案賠款 該部知道 又甯化令張朝法短解監追 著照所請該部知道 丁振鐸奏團勇防勦事竣分別裁留並酌薪餉 該部知道單併發 又糧道增厚接收交代 戶部知道 又設立團營處所先後成軍並裁改增添情形 該部知道 又請仍以李光遠署祿豐令 吏部議奏 奎煥奏扎薩克因漢部落盟長阿爾塔薩噶拉病請續假 該衙門知道 又代奏參贊大臣車登索諾木因病請假 著照所請該部知道 豐陞阿奏代除回乾樹株數目完竣 該部知道單併發 成聚奏洋巡期滿情形奉 旨知道了 龐鴻書奏臨湘縣民婦阮李氏命案審擬 刑部速議具奏 又報解頭批京餉銀兩 戶部知道 又岳州守周儒臣調補長沙守 吏部議奏 又分別舉劾 另有旨 又裕慶以道員留湘補用 著照所請吏部知道 又解本年春季固本京餉 戶部知道 又營兵請借倉穀 戶部知道 崇善奏提解上年分上忙錢糧銀數 戶部知道 又船廠經費立案 該部知道 奎煥 侍衛明期請更換奏 該衙門知道

奏稿

調補江蘇巡撫河南巡撫兼管河工事務臣陳夔龍跪 奏為遵照政務處新章將考列最優等之知州一員出具考語

恭摺具陳仰祈

聖鑒事竊准政務處咨具奏考核各省州縣事實分別勸懲並擬畫一章程一摺奉 旨依議欽

此欽遵鈔錄咨行前來查原奏內稱各州縣列入最優等者仍交各督撫出具切實考語具奏實缺者以應升之缺在任候升等因臣覆加考核查得河南列入最優等一員禹州知州曹廣權勳明練達體用兼賅其在該州辦理一切新政實為通省之冠相應仰懇 天恩俯准將禹州知州曹廣權照章以應升之缺升用出自 鴻慈至定例州縣以上應

升缺出應將卓異之員先儘升用如無卓異合例人員方准以各項勞績應升人員揀選升用惟此項列入最優等之實缺應升人員似與各項勞績不同擬請比照卓異候升之例遇有應升缺出與卓異人員一體酌量升用以示優異而昭激勵除分咨政務處吏部外理合恭摺具陳伏乞 皇太后 皇上聖鑒訓示謹 奏奉 硃批著照所請該衙門知道欽此

調補江蘇巡撫河南巡撫兼管河工事務臣陳夔龍跪 奏為紳士捐助中等蠶桑實業學堂鉅款懇 恩給獎以示鼓勵恭摺仰祈 聖鑒事竊據彰德懷道馮光元稟稱溫縣在籍紳士候選知縣原邦用情願將祖遺名下倉房一所園地二頃二十二畝九分四釐五毫六絲按時價值估合銀七千六百六十五兩一錢二分八釐又現銀三千兩共銀一

萬六千六百六十五兩一錢二分八釐捐入河北中等蠶桑實業學堂作為推廣該堂經費實屬急公好義足以裕式鄉閭伏查信陽州紳士高明遠西平縣紳士趙國楹各捐助學堂經費銀一萬數百餘兩曾經 奏請免補府經歷州判本班以知縣遇缺儘先選補先後欽奉 特旨允准在案原邦用事同一律欵更加增且係不論雙單月選用知縣可否援案獎勵等情由學務處司道覆核議詳請 奏前來臣查河北地處高原土性溫茂於育蠶種桑諸事最為相宜上年經臣

檄飭候補道韓國鈞在清化鎮創設中等蠶桑實業學堂期於收效一隅藉以開通全省風氣曾經 奉明有案計自開辦以來講求養蠶收繭以及考察土宜諸法近已漸著成效因經費支絀不能大加擴充今該紳原邦用慨捐鉅資數逾萬金嗣後該堂各學科即不難酌量推廣似此深明大義核與高明遠趙國楹情事相同捐款亦有盈無絀合無仰懇

天恩俯准將候選知縣原邦用仍以知縣遇缺儘先選用以為提倡實業者勸出自 鴻施逾格除咨明外謹會同河南學政臣王埈恭摺具陳伏乞 皇太后 皇上聖鑒謹 奏奉 硃批著照所請該部知道欽此

陳夔龍片 再據學務處司道詳稱尉氏縣在籍紳士同知銜候選縣丞劉鎮德以該縣高等小學堂增建校舍推廣學額添聘教員需款甚鉅該紳情殷報効願將祖遺地畝四百畝零三分六毫按時價值估合銀七千二百五兩五錢一分



三釐又現銀三千兩共銀一萬二百五錢一分三釐悉數捐為學堂經費實屬銳意興學足以鼓舞羣情伏查信陽州紳士湖北候補府經歷高明遠西平縣紳士候選州判趙國楹各捐助學費銀一萬數百餘兩曾經奏請免補本班以知縣遇缺儘先選補先後欽奉 特旨允准在案該職員劉錕德情事相同據該縣知縣程錫麒稟懇援案請獎由該

司道覆覈詳請 奉 聖旨前來臣查京師大學堂奏定章程本有一人捐賞較鉅者明給獎之語茲劉錕德捐銀一萬二百餘兩洵屬熱心教育勇於為義裨益學界殊非鮮淺核其所捐銀數已逾萬兩與高明遠趙國楹事同一律合無仰懇

天恩俯准將同知銜候選縣丞劉錕德免選本班以知縣遇缺儘先選用以示鼓勵出自 高厚鴻施除咨明外謹會同河南學政臣王埤附片具陳伏乞 聖鑒訓示謹 奏奉 硃批著照所請該部知道欽此

陳夔龍片 再據學務處司道詳稱據署甘肅縣知縣王鐸稟該縣職員州同銜張恒泰熱心學務捐助學堂經費一千三百兩懇請移獎其子監生張金榜同知職銜以示鼓勵等情呈請 奏 奉 聖旨前來臣查部議定章凡捐助學堂經費以五

成實銀比照賑捐章程核給銜封等語又賑捐例由監生報捐同知職銜例銀二千兩以五成實銀核計應收銀一千兩今張恒泰捐銀一千三百兩核與例定銀數有盈無絀合無仰懇 天恩俯准將監生張金榜給予同知職銜以昭激

勸 出自 鴻慈逾格除咨明外謹會同河南學政臣王埤附片具陳伏乞 聖鑒訓示謹 奏奉 硃批著照所請該部知道欽此

陳夔龍片 再前因署理延津縣知縣韓厚瀛在任經年於學堂事件延不舉辦經臣奏參以府經歷縣丞降補用示懲儆在案茲據布政使理良學務處司道詳稱該員前署延津縣任內該處地瘠差繁為豫省著名貧苦之區雖屢經集紳

議設學堂終以無款興辦而止因循貽誤職此之由自經降補後深知愧奮情願捐集銀三千兩作為報効學堂經費以贖前愆查前署上蔡縣知縣徐壽茲以省省義餉製造軍械任意捏飾前據臣丁蔭霖奏參革職嗣以捐購擡礮三百桿奏准開復原官該員情事相同可否援案奏請開復等情會詳呈請具 奏前來臣查該員韓厚瀛前以玩視學務經

臣請 旨將其降補誠以教育攸關不得不懲一儆百茲既深悔前非力圖報効願捐銀三千兩以充學費尚屬勇於改過該員前次並無別項劣跡若因一省而遭廢棄其情不無可憫當此籌款艱窘之日凡有贊興學堂皆莫不給予勸勵以明鼓舞羣情今該員雖貽誤於前尚能愧悔於後核與徐壽被參原案情節較輕臣不敢以參奏在先稍涉迴護合無仰懇 天恩俯准將前署延津縣降補府經歷縣丞韓厚瀛開復知縣原官原銜升階仍留於原省補用以觀後

效出自 鴻施逾格除將報効銀兩飭司存儲外謹會同河南學政臣王埤附片具陳伏乞 聖鑒訓示謹 奏奉 硃批著照所請吏部知道欽此

周馥片 再南洋為中外商務薈萃之區交涉日多全在得人任使相機因應江蘇實缺候補各員中講求交涉者頗不乏人而熟諳法律中外貫通者實不易覓惟查有廣東儘先補用道羅忠堯由福建船政學堂畢業學生派赴英國法律

大學堂學習公萬國公法私萬國公法英國刑律商務契約產業議院憲法各律例羅馬律例臘丁文字畢業大考領有律師執照回華歷充日本神戶並東京使署西文繙譯官歷保以道員選用加布政使銜並戴花翎旋充英義比國使署

三等參贊官派往比利時國萬國地質水師公會會議差竣回英代理新嘉坡總領事官捐分廣東試用旋保歸本班儘先補用先後派往和蘭南洋屬地噶羅吧等處並英屬之澳大利加洲察看華工情形差竣回福建原籍省親經前署閩

浙總督臣李興銳奏派福建全省礦務總公司上年二月臣以南洋差遣需人電調該員來甯委辦兩江洋務局事宜該員公正和平講求吏治熟悉交涉情形諳諳法律諸學不僅以言語文字見長實為辦理交涉不可少之員該員指分廣

東後尚未引 見到省現已給咨赴引相應仰懇 天恩俯念南洋交涉日繁需員佐理將羅忠堯發往江蘇補用以備任使仍令補交離省銀兩以符定章理合附片陳請伏乞 聖鑒訓示謹 奏奉 硃批著照所請吏部知道欽此

袁世凱片 再唐縣知縣張泰封因籌辦初等小學勸諭紳富量力捐設該縣大決合莊監生趙勤學以創設該村初等小學堂並無學舍捐助瓦房一所估計合銀一千兩由縣詳請獎獎前來臣查學務大臣奏定初等小學章程內載紳

董捐設公立私立各小學堂者地方官分別給獎其一人捐資較鉅者稟請督撫奏明給獎等語又山西撫臣奏准將捐助學堂經費者獎給銜封貢監翎枝等項今該生趙勤學家僅中資慨捐鉅款在該村設立初等小學洵屬急公好義嘉

惠梓桑合無仰懇 天恩俯准該監生趙勤學 賞給五品銜以昭激勵出自 鴻施除飭取該生三代年貌履歷清冊咨部外理合附片具陳伏乞 聖鑒訓示謹 奏奉 硃批著照所請該部知道欽此

袁世凱片 再二品銜指分山東補用道言敦源於光緒二十三年投効臣舊部新建陸軍二十六年臣在山東巡撫任內勦辦拳工各匪派隨軍隊在西路一帶地方辦理各事尚資得力嗣隨軍北來歷辦北洋新練常備各軍營務處差使自三十年遵辦練兵處定章派充兵備處總辦三十二年直省創辦秋操由臣會同 欽差大臣臣鐵良派辦總理處



事宜節經奏明在案查該員才具開展辦事勤能在直有年情形熟悉合無仰懇 天恩俯允將指分山東補用道言  
敦源仍以原班留於直隸補用並免交離省銀兩以資贊助理合附片具陳伏乞 聖鑒訓示謹奏奉 硃批着  
照所請吏部知道欽此

袁世凱片 再據署會極縣知縣章紹洙稟稱據縣屬戶村文生田實穎稟稱捐設該村私立小學堂一所並園地莊基  
房屋及操場等項估計合銀三千兩又貢生田實堅武生田實錄共捐助該堂開辦經費銀三百兩由縣稟請核獎前來  
臣查學務大臣奏定初等小學堂章程內載紳董捐設公立私立各小學堂者地方官分別給獎其一人捐資較鉅者稟  
請督撫奏明給獎等語又山西撫臣奏准將捐助學堂經費者獎給銜封貢監翎枝又部定新章捐助學堂經費比照賑  
捐按五成定銀核獎等因在案今該縣初辦公私小學該紳士等慨捐鉅款洵屬急公好義有裨學務查出實穎所捐銀  
數酌照賑捐章程擬由文生獎給監生知府職銜並戴花翎田實堅擬由貢生獎給布理問職銜田實錄擬由武生獎給  
營千總職銜核計銀數田實穎不敷銀七十三兩已飭如數捐補其田實堅田實錄均尚相符合無仰懇 天恩俯准  
照章給獎以昭激勵除飭取該員等三代年貌履歷清冊咨部外理合附片具陳伏乞 聖鑒訓示謹 奏奉 硃  
批着照所請該部知道欽此

袁世凱片 再據署威縣知縣都林布稟稱因該縣籌辦初等小學勸諭紳富量力捐助旋據安仁村衛千總銜呂書田  
倡捐庫平銀一千五百兩膏梁村文童王振邦倡捐庫平銀一千一百兩紅曲村武童田懷志倡捐庫平銀四百四十兩  
助充各該村初等小學堂經費由縣稟請奏獎前來臣查學務大臣奏定初等小學堂章程內載紳董捐設公立私立各  
小學堂者地方官分別給獎其一人捐資較鉅者稟請督撫奏明給獎等語又山西撫臣奏准將捐助學堂經費者獎給  
銜封貢監翎枝又部定新章捐助學堂經費比照賑捐五成實銀核獎等因在案今該縣勸辦初等小學正在籌款維艱  
民懷觀望之際該紳士等慨捐鉅款洵屬急公好義有裨學務查呂書田所捐銀數酌照賑捐章程擬由衛千總銜獎給  
參將職銜王振邦由文童獎給監生同知職銜田懷志由武童獎給監生守備職銜均屬有裨無細合無仰懇 天恩  
俯准照章給獎以昭激勵除飭取該員等三代年貌履歷清冊咨部外理合附片具陳伏乞 聖鑒訓示謹 奏奉  
硃批着照所請該部知道欽此

巡警部尚書臣徐世昌等跪 奏為遴員補左右參議員缺以重警政而資贊助恭摺仰祈 聖鑒事竊臣等於光緒

三十一年十二月十五日奉明擬設臣部左右丞左右參議各一員欽奉 諭旨允准在案查奏定章程左右丞應統  
部各司佐理警政職任綦重階品較崇擬俟遴擇得人再行請 旨補授現在推行部廳新章整理京外警政左右參  
率有分判各司稽核功過釐核警章之責舉凡辦理一切部務實以該參議為樞紐亟應先選妥員請 旨補授以  
事職守而資贊助查有江南道監察御史錢能訓才識俱優規模遠堪以擬補臣部左參議候選道裕厚操履清嚴政  
關謹練堪以擬補右參議該兩員前准調部行走于管理創辦諸務經營學費深資得力合無仰懇 天恩俯念警任  
重繁重要准以錢能訓補授左參議員缺裕厚補授右參議員缺實於部務大有裨益如蒙 俞允擬請援照外商兩  
穩歷補左右參議成案 叩降諭旨補授以專責成而重警政所有遴員請補參議員缺緣由謹恭摺具陳伏乞  
皇太后 皇上聖鑒訓示謹 奏奉 旨欽此

文苑

金縷曲

讀紅樓夢

莫恨鴛鴦毒儘纏綿如影共影幾曾悟覺裡得情根深似許頑石也成靈玉只私願三生難祝花底空酬兒女淚一珠珠  
彈遍瀟湘竹竹不盡兩心曲 宵窻絮語眉痕蹙是生成一雙憐種依依繡幄柳絮識成吟薄命痛惜紅顏頓促縱有淚  
幾生再續入去月明花塚在聽傷春杜宇聲聲哭香消處草定綠

壬寅二月十九日游鄧氏東園

葉珂景午莊來稿

紅杏初開燕子飛西郭日日賞花歸今朝携酒東園去又見春光絢落暉  
一池春水繞籬笆城市山林隱者家我愛嬌紅開萬朵園中同賞紫荊花  
小榭春來草木香一團蝶子過東牆游人不厭頻來往閒立東風看海棠  
雨後小園花亂開深紅淺白映亭臺年年記得春歸去惟有鶯聲為喚回  
芳園寂寂掩重門蜂蝶爭飛鶯燕喧滿樹碧桃花似錦游人錯認武陵村  
嫩綠扶春上柳條斜陽一角酒旗搖出門惹得兒童笑又為看花過小橋

梁溪樵舊稿



玉簫吹暖小園中畢竟春歸屬化工五桂亭前花事好(園中有五桂亭亭前桂樹五株均高五丈餘)天桃穠李鬧東風  
名園好是艷陽晨二月春風萬柳春剝啄叩門忙底事被花含笑笑游人

來函

大報館大主筆先生足下竊查中國積弱之故厥有三端政事之不修不與焉三端為何四端爲何曰早婚曰吸鴉片煙早婚纏足弱在先天吸鴉片煙弱在後天所以致弱之道不同而人種之不强精神之銷耗則一也 貴報以開通風氣挽回時局爲己任近日日讀大著不勝欽佩惟所言於政事綦詳於此三端尙畧應請將此三端之害關於中國存亡之處剴切言之淺顯言之勸富貴家捐貲施戒煙丸同人立戒煙會戒纏足會至鴉片一物西人自禁吸食而販入中國爲吾民害承免有傷公理有乖文明請 貴報詳論及之或外人閱之有所感動自咎其非毅然禁之亦未可知洋煙不來華人自種不難禁絕去此大毒中國庶有多乎

今之言農學者則選穀種矣言蠶學者則選蠶種矣非以種必壯實而後發生乃蕃乎至于男女婚配關乎似續何獨不然乃世之人子方十五六年尙幼稚急望抱孫遽爾婚配骨髓未充足筋骸猶未強壯而欲其生育男女壯實強固豈可得耶以弱父而生弱子以弱子而生弱孫積弱相傳遂成危瀕中國實業之不興人羣之不振畏難好惰若出性生究厥由來大都因此然則男女婚姻之不時關乎人種之優劣國勢之盛衰非細故也嘗見少年子弟成婚太早胸無主宰流連牀第不能自持遂至夭折柔嫩之軀豈禁斷喪其至于此勢所必然非不幸也就一人一家而論早婚之害已至于此况關乎天下之強弱中國之存亡哉禮不云乎二十曰弱冠三十曰壯有室古人必待壯而後有室者即農蠶學選種之意也今即不能盡如古所云云必待至弱冠方可議及若年方十餘齡而遽及之是愛其子不啻害其子也是欲抱孫而不惜戕其子也是顧目前之歡娛而不計子婦之終身也亦可謂明于物理而闇于人事矣就一家論則致弱其子之一個就天下論則致弱無數之國民其關係之鉅有如此乃陋習相沿迷而不悟望

貴報本此意透澈闡發更推廣之大聲疾呼喚醒羣蒙則四萬萬人前途之幸也泐此敬頌

撰安不備

弟李晦齋啓